

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM
Broj: 41 0 K 103115 24 K
Visoko, 12.11.2024.godine

U IME FEDERACIJE BOSNE I HERCEGOVINE

Općinski sud u Visokom, po sudiji Avdiji Avdić uz sudjelovanje zapisničara Sejdić Džemile, u krivičnom predmetu protiv optuženog Š.Š. sin M. iz V., zbog krivičnog djela nasilje u porodici iz člana 222. stav 2 u vezi sa stavom 1 KZ FBiH, rješavajući po optužnici Kantonalnog tužilaštva-tužiteljstva Zeničko-dobojskog kantona broj T 04 0 KT 0058800 24 od 10.07.2024.godine, nakon zaključenog glavnog javnog pretresa, održanog dana 12.11.2024.godine u prisustvu Kantonalnog tužitelja Tomaš Branislava i optuženog Š.Š., na pretresu za objavljivanje presude, u prisustvu kantonalnog tužitelja i optuženog, dana 12.11.2024.godine, donio je i javno objavio :

PRESUDU

OPTUŽENI: Š.Š., sin M. i majke E. rođene V., rođen ... godine u V., gdje je i nastanjen u ulici H. broj ..., pismen, sa završenom srednjom školom, po zanimanju varilac, oženjen, otac jednog mladb. djeteta, nezaposlen, Bošnjak, državljanin BiH, JMB: ..., neosuđivan,

KRIV JE

što je,

dana 11.05.2024. godine, oko 03,00 sati, na području grada V., u svojoj porodičnoj kući koja se nalazi u mjestu H. broj ..., u kojoj živi skupa sa svojom suprugom E.Š., nakon prethodne prepirke i svađe sa istom, prvo joj zaprijetio da će je ubiti, a zatim je rukom lagano udario po glavi da bi je u nastavku njihove dalje prepirke uhvatio rukom za kosu i povukao a zatim je ošamario, nanijevši joj pri tome laku tjelesnu ozljedu u vidu oguljotine donje usne, svjestan da na taj način može ugroziti njen mir, tjelesnu cjelovitost i psihičko zdravlje, što je i htio, te ovakvim nasiljem i drskim ponašanjem ugrozio njen duševni mir i tjelesnu cjelovitost

čime je učinio krivično djelo Nasilje u porodici iz člana 222 stav 2 u vezi sa stavom 1 KZ F BiH.

Pa sud optuženom na osnovu istog zakonskog propisa: te na osnovu članova: 42.,49 i 62 9. KZ FBiH, i z r i č e

USLOVNU OSUDU

Kojom se optuženom za počinjeno krivično djelo utvrđuje kazna zatvora u trajanju od 3 (tri) mjeseca a koja se neće izvršiti ako optuženi za vrijeme od 1 (jedne) godine ne poćini novo krivično djelo.

Na osnovu čl.202 stav 4 ZKP FBiH optuženi se oslobađa plaćanja troškova krivičnog postupka i isti padaju na teret budžetskih sredstava suda.

Na osnovu čl.212. st.3 ZKP FBiH oštećena E.Š. se sa imovinsko pravnim zahtjevom upućuje na parnićni postupak.

Obrazloženje

Kantonalno tužilaštvo Zeničko-dobojskog kantona (u daljem tekstu KT ZDK), optužnicom broj T 04 0 KT 0058800 24 od 10.07.2024.godine, optužilo je Š.Š. zbog krivičnog djela nasilje u porodici iz člana 222. stav 2 u vezi sa stavom 1 KZ FBiH (Službene novine Federacije BiH br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17), (dalje u tekstu KZ FBiH).

Optužnica je potvrđena od strane sudije za prethodno saslušanje ovog suda dana : 18.07.2024.godine. Dana 21.10.2024. godine na ročištu o izjašnjenju o krivnji, optuženi Š.Š. izjavio je da nije kriv za krivično djelo koje mu se stavlja na teret.

Na glavnom pretresu održanom dana 12.11.2024.godine prije izvođenja dokaza, optuženi Š.Š. priznao je krivnju za krivično djelo nasilje u porodici iz člana 222. stav 2 u vezi sa stavom 1 KZ FBiH, a njihovo priznanje je prema ocjeni ovog suda u saglasnosti sa dokazima u koje je sud izvršio uvid i to: zapisnik o saslušanju svjedoka - oštećena E.Š. , kći I., W. ..., L. ... A., - Š.E., kći Š., H. broj ..., V., - Š.N., kći M., H. broj ..., V., uvid u: - Specijalistički nalaz JU „Dom zdravlja“ Visoko od 11.05.2024. godine, na ime Š.E., - Izvod iz kaznene evidencije na ime osumnjičenog Š.Š. , PS Visoko broj: 08-02- 09/1-interno/24 od 13.05.2024. godine.

Sud je ovo priznanje krivnje optuženog ocijenio kao jasno, iskreno i nedvosmisleno ničim uslovljeno tako da je priznanje optuženog u saglasnosti sa materijalnim dokazima, naprijed navedenim, u koje je sud izvršio uvid, na osnovu čega van svake sumnje proističe da je optuženi ostvario sva bitna obilježja bića krivičnog djela nasilje u porodici iz člana 222. stav 2 u vezi sa stavom 1 KZ FBiH.

Po ocjeni suda optuženi je navedeno predmetno krivično djelo učinio sa direktnim umišljajem jer je bio svjestan svog djela i htio njegovo izvršenje, a sud je utvrdio da je optuženi prilikom izvršenja krivičnog djela bio uračunljiv, jer predloženim dokazima nije dovedena u sumnju mogućnost optuženog da shvati značaj svog djela i da upravlja svojim postupcima u vrijeme izvršenja djela, te su se u njegovim radnjama stekla sva bitna obilježja bića krivičnog djela nasilje u porodici iz člana 222. stav 2 u vezi sa stavom 1 KZ FBiH.

Prilikom izricanja krivično pravne sankcije sud je cijenio optuženom Š.Š. kao olakšavajuće okolnosti činjenicu da je priznao izvršenje krivičnog djela koje mu se stavlja na teret, čime je u mnogome doprinio utvrđivanju činjeničnog stanja i skraćanju krivičnog postupka, iskreno kajanje, te činjenicu da optuženi do sada nije ranije osuđivani. Dok je od otežavajućih okolnosti sud uzeo u obzir samu prirodu i vrstu krivičnih djela koja mu se stavljaju na teret.

Cijeneći utvrđene okolnosti na strani optuženog, sud je optuženom Š.Š. , za navedeno krivično djelo utvrdio kaznu zatvora u trajanju od 3 (tri) mjeseca , koja kazna se neće izvršiti ako optuženi u roku od 1 (jedne) godine ne počini novo krivično djelo. Po mišljenju ovog suda izrečena sankcija srazmjerna je stepenu odgovornosti optuženog i težini počinjenog krivičnog djela koja mu se stavljaju na teret, te će se istom postići svrha kažnjavanja, kako sa aspekta generalne, tako i specijalne prevencije predviđena članom 42. KZ FBiH.

Na osnovu čl.202 stav 4 ZKP FBiH sud je optuženog oslobodio plaćanja troškova krivičnog postupka i isti padaju na teret budžetskih sredstava suda.

Na osnovu čl.212. st.3 ZKP FBiH sud je oštećen E.Š. se sa imovinsko pravnim zahtjevom uputio na parnični postupak.

Sudija
Avdija Avdić

PRAVNA POUKA:

Protiv ove presude dozvoljena je žalba Kantonalnom sudu Zenica u roku od 15 dana po prijemu iste, a žalba se podnosi ovom sudu u tri primjerka.